

1 2 3 4 5 6 7 8 9 10



春秋傳服氏注九

鄭氏佚書十五之九

襄公左氏傳解誼弟九

敗其徒兵于洧上

元年

洧水名

史記鄭世家注

是棄功與言

二年攷證曰今本功作力釋文併服本如此

帥組甲三百

三年

以組綴甲

初學記武部甲類攷證曰又見禮書本疏併買注

建一官而三物成

本疏

事所舉三賢各能成其職事

本疏

鄭氏佚書

春秋傳服氏注九

事君不辟難

謂敢斬揚干之僕是不辟獲死之難本疏

使佐新軍

于是魏頡卒矣使趙武將新軍代魏頡升魏絳佐新

軍代趙武也

本疏

武不可重

四年

重猶大也言武事不可大任

本疏


戎狄薦居

薦草也言狄人逐水草而居徙無常處

本疏

子罕善之如初

六年



言子罕不阿同族亦逐樂轡以正國法忠之至也及

樂轡射其門畏從萼弱之罰復善樂轡如初是為茹

柔吐剛喪其志矣傳故舉之明春秋之義善惡俱見

本疏

使皇鄭命校正出馬

九年

皇鄭皇父充石之後十世宗卿為人之子大司馬椒

也

本疏

陶唐氏之火正閼伯居商丘祀大火而火紀時焉相土

因之

商丘地名相土契之孫因之者代閼伯之後居商丘

湯以為號

詩商頌譜疏攷證曰本疏引作相土居商丘故湯以為天下號

棄位而姦不可謂貞

姦讀為放效之效言效小人為淫

本疏攷證曰原引讀字在姦字之前

此疏約服義也今改正釋文云服氏同稽叔夜音效

肆眚圍鄭

放鄭囚

本疏

次于陰口而還

登南曰陰口者水口也

水經洧水注

國君十五而生子冠而生子禮也

人君禮十二而冠

宋書禮志攷證曰傅賈服說

以先君之祧處之

曾祖之廟曰祧

禮記祭法疏攷證曰又見冠義疏本疏引服注云祧謂曾祖之廟也

冠于成公之廟

成公衛曾祖時不冠于衛之始祖以非己廟故也

儀禮

士冠禮疏攷證曰曾祖下本有故以祧為曾祖廟七字此疏語雜入者今去之

且要盟無質神弗臨也

質誠也無忠誠之信故神弗臨也

本疏

會吳子壽夢也

十年

壽夢發聲吳蠻夷言多發聲數語共成一言壽夢一

言也經言乘傳言壽夢欲使學者知之也

本疏

其將不免乎

免脫也言將不脫罪禍不以壽終也傳舉此者為十

九年齊殺其大夫高厚二十五年崔杼弑其君光起

本也御覽皇親部太子類

縣門發耶人紇挾之以出門者

挾挾也謂以木挾挾縣門使舉令下容人出也門者

下屬為句本疏

親受矢石

古者以石為箭鏑國語有隼集于陳侯之庭楛矢貫

之石砮本疏

楚子囊鄭子耳侵我西鄙

不書諱從晉不能服鄭旋復為楚鄭所伐恥而諱之

也本疏

以位序聽政辟

鄭舊世卿父死子代今子孔欲擅改之使以次先為

士大夫乃至卿也本疏

同盟于亳十一年攷證曰公羊疏云服氏之經作京城北

七姓十二國之祖

晉主盟不自數本疏

以師慄師觸師謁

三師鐘師鑄師磬師謂惺能鐘觸能鑄觸能磬也疏本

廣車軌車

鄭元云廣車橫陳之車也虔謂軌車屯守之車也疏本

攷證曰又見宣十二年疏未並無也字虔謂二字本作服虔云以義改

淳十五乘攷證曰疏云偏見服本皆云淳十五乘當時杜本作軌十五乘故疏云然


晉侯以樂之半賜魏絳

漢家郡守行大夫禮鼎俎豆工歌縣春秋左氏膏肓釋病攷證

曰此書亦服氏作引見續漢書四

八年之中九合諸侯

八年從四年以來至十一年也九合諸侯者五年會



于戚二也其年又會于城棣救陳二也七年會于鄆

三也八年會于邾四也九年會于戲五也十年會

于柵六也又成鄭虎牢七也十一年同盟于京城北

八也又會于蕭魚九也本疏攷證曰晉世家注引作九合一謂會于戚二會城棣

救陳三會于鄆四會于邾五同盟于戲六會于柵七成鄭虎牢八同盟于京城北九會于蕭魚刪約之

文京城本作亳城從公羊疏言服氏之經作京城改

不猶愈乎十三年

愈猶病愈疏本

曹宣公之卒也諸侯與曹人不義曹君將立子臧十四年

宣公曹伯盧也以魯成公十三年會晉侯伐秦卒于師曹君公子負芻也負芻在國聞宣公卒殺太子而自立故曰不義之也子臧負芻庶兄史記吳世家注

不獲成焉

本疏

衛獻公戒孫文子甯惠子會皆服而朝日旡不召

孫文子林父也甯惠子甯殖也敕戒二子欲共晏會

皆服朝衣待命旡晏也史記衛世家注

二子從之

從公于圍衛世家注

孫文子如戚

戚孫文子邑也衛世家注

孫氏追之敗公徒于阿澤鄆人執之

執追公徒者公如鄆故鄆人爲公執之本疏攷證曰又見史記齊世家注

世家注

射兩鉤而還

鉤車輓也兩輓父馬頸者詩小戎疏攷證曰本疏無鉤也二字兩輓作兩邊

王室之不懷繫伯舅是賴攷證曰舊本及賈氏皆作壞釋文云服本作懷

懷柔也繫蒙也賴恃也王室之不懷柔諸侯恃蒙齊

桓之匡正也本疏

詩曰行歸于周萬民所望

逸詩也都人士首章有之

詩都人士疏攷證曰又見讀詩記引

屈蕩為連尹

十五年

連尹射官言射相連屬也

本疏

富

富賣玉得富

周禮太宰疏

使諸大夫盟高厚

十六年

惡大夫專而君失權也


本疏攷證曰疏云賈服取公羊穀梁為說

齊人獲臧堅齊侯使夙沙衛唁之

十七年

弔生曰唁以生見獲故唁之也

詩載馳疏攷證曰又見節南山疏釋文引



前四字

抑君賜不終

言君義已故來唁之是惠賜也謂已無灰不以義望

己是不終也

本疏

不如蓋之

蓋覆蓋之言左師無鷹鷂之志而蓋不義之人故尤

之

本疏

左師為己短策苟過萼臣之門必騁

策馬捶也自為短策過萼臣之門助御者擊馬而馳

惡之甚也

本疏

吾驟歌北風又歌南風南風不競多灰聲 十八年

北風夾鐘無射以北南風姑洗南呂以南南律氣不

至故成聲多吹律而言歌與風者出聲曰歌以律是

候氣之管氣則風也故言歌風 周禮太師疏攷證曰

云服虔以為舛西以北律呂為北風以南為南風又見保章氏疏本疏又引南律二句南下有風字成聲多作聲多成


執邾悼公以其伐我故遂次于泗上疆我田取邾田自

漈水歸之于我 十九年

刺晉偏而魯貪 本疏攷證曰疏傳賈服

齊侯娶于魯曰顏懿姬無子其姪驪聲姬

兄子曰姪懿姬所從也顏驪皆其母姓因以為號懿



聲皆其諡也傳家從後言之故舉諡也 御覽皇親部太子類

諸子仲子戎子戎子嬖仲子生牙屬諸戎子

諸子妾生子氏二子宋女牙公子牙也戎子子牙養

母也 御覽皇親部太子類

許之

齊侯許之 御覽皇親部太子類

廢常不祥

立嫡為常立而廢之為不祥也 御覽皇親部太子類

聞諸侯難

聞犯為光已列于諸侯難成 史記齊世家注

列于諸侯矣

數從諸侯征伐盟會

齊世家注

是專黜諸侯

專獨也光比于諸侯列于會盟不可黜也

御覽皇親部太子類

而以難犯不祥也

以難成之事犯不善

御覽皇親部太子類

崔杼微逆光疾病而立之

微隱匿也疾困也而立為太子

御覽皇親部太子類

婦人無刑

婦人從人者也故不為制刑及犯惡從男子之刑也

本疏

齊侯圍之見衛在城上號之乃下問守備焉以無備告
捐之乃登

賈逵說齊侯以衛告誠捐而禮之欲生之也衛志于

戰死故不順齊侯之捐而還登城彭仲博云齊侯欲

誅衛呼而下與之言因可取之無為捐之復令登城

仲博以為齊侯號衛衛慙而下云問守備焉問衛之

守高唐者衛無恩信故令守者以無備告齊侯善其

言故捐之乃命士卒登城此說近之

本疏攷證曰齊侯以衛至而還

登城御覽禮儀部引作服注蓋列在解詁中故傳服也本疏引賈逵說云云又傳服虔引彭仲博云云觀

末云此說近之是服所折衷非賈而
是彭也微御覽之引無以知之矣

孔成子曰

衛卿孔烝鉏史記衛世家注

子盍詰盜二十一年

盍何不也本疏

庶其非卿也

邾莒無命卿本疏攷證曰疏傳諸儒以為當是舊說相承如此知服解同

臧武仲如晉二十二年

武仲非卿故不書本疏

而以為口實

實謂譴讓也本疏

禮為隣國闕二十三年

隣國尚為之闕樂況甥舅之親乎儀禮聘禮疏

君子謂慶氏不義不可肆也

傳發此言為不書慶氏以陳叛為楚所圍稱國以殺
不成惡人肆其志也本疏

及七輿大夫與之

下軍與帥七人本疏

樂魴傷

魴盈之子本疏

啟牢成御襄罷師狼遽疏爲右肱商子車御侯朝桓跳
爲右大殿商子游御夏之御寇崔如爲右

司馬灋謀帥篇曰大前驅啟乘車大晨倅車屬焉大

晨大殿也音相似

本疏

張武軍于熒庭

張設旗鼓也

本疏

趙勝帥東陽之師

東陽魯邑

本疏

藥石也

石砭石也

南史王僧儒傳

夫石猶生我

夫謂孟孫也

本疏

毋或如東門遂

東門遂襄仲也居東門故稱東門遂

史記魯世家注

猶有先人之敝廬在

下從上讀言敝廬在下

本疏

作不順而施不恕也

不順謂阿季氏廢長立少也不恕謂惡孟氏立庶也

本疏

太上有立德

二十四年

春秋傳

服氏注九

伏羲神農當之如此之類乃是立德也

本疏

其次有立功

禹稷當之如此之類乃是立功也

本疏

其次有立言

史佚周任臧文仲當之如此之類乃是立言也

本疏

象有齒以焚其身

焚讀曰債債僵也爲生齒牙僵仆其身

本疏

部婁無松柏

喻小國無賢材知勇之人而與大國等也

本疏

史皆曰吉

二十五年

皆二卦

本疏

乃爲崔子間公

伺公閒隙

史記齊世家注

公拊楹而歌

公以爲姜氏不知已在外故歌以命之也一曰公自

知見欺恐不得出故歌以自悔

齊世家注

不能聽命

言不能親聽公命

齊世家注

近于公宮陪臣干諷有淫者不知二命

攷證曰諷今本作振據注服本

是諷字

崔杼之宮近公宮淫者或詐僞公齊世家注一曰干扞也

諷謀也言受崔子命扞禦謀淫之人本疏

故君為社稷死則死之為社稷亡則亡之

謂以公義為社稷死也如是者臣亦隨之死也史記

齊世家注

若為己死而為己亡非其私暱誰敢任之

言君自以己之私欲取死亡之禍則私近之臣所當

任也齊世家注

舍之得民

置之所以得人心齊世家注

執簡以往

古文篆書一簡八字儀禮聘禮疏

下車七乘

下車遣車也本疏上公饗餼九牢遣車九乘禮記檀弓疏

井堙木刊

堙塞刊削也詩泮水疏

祝祓社司徒致民司馬致節司空致地

祝與司徒等皆是陳人各致其所主于子產本疏

武也知楚令尹

令尹屈建也本疏

殺子叔及太子角 二十六年

殺太子角不書舉重者 本疏

專祿以周旋

專祿謂以戚叛也既叛衛亦不臣于晉自謂若小國

是為專祿 本疏

先八邑

四井為邑 史記鄭世家注

取衛西鄙懿氏六十

六十邑 本疏

晉侯賦嘉樂

晉侯自嘉樂愚之甚也 本疏

宋芮司徒

芮司徒宋大夫 御覽皇親部太子類

生女子赤而毛

其身赤而生毛也 御覽皇親部太子類

其姬之妾

其姬宋伯姬也 御覽皇親部太子類

平公入夕

視夕也平公恭姬子 御覽皇親部太子類

而視之尤

鄭氏佚書

春秋傳服氏注九

尤過也意悅之視之過久御覽皇親部太子類

姬納諸御嬖生佐

納諸平公之御公嬖棄而生佐佐立為宋元公御覽皇親部太子類

惡而婉太子瘞美而很

婉婉順也佐貌惡心順太子貌美而心很很戾不從

教御覽皇親部太子類

合左師畏而惡之

合左師向戌也御覽皇親部太子類

寺人惠牆伊戾為太子內師

寺人宋閼士惠牆皆發聲實為伊戾名以公寺人為

太子內師掌內官御覽皇親部太子類攷證曰本疏引惠伊皆發聲實為牆戾九字案

疏牆伊二字互換觀後獨傳伊戾是疏譌也

楚客聘于晉過宋

楚客道過宋御覽皇親部太子類

夫不惡女乎

夫謂太子伊戾無寵于太子故曰夫不惡女御覽皇親部太子類

子類攷證曰前二十三年疏引夫謂太子也五字

莫其其內臣請往也

言我內師也當為內師供內使也御覽皇親部太子類

加書徵之

以書爲之徵驗也書盟書也

御覽皇親部太子類

欲速

速疾也欲疾代公得位故與楚客謀弑其父也

御覽皇親

部太子類

則信有焉

有有盟徵也

御覽皇親部太子類

問諸夫人與左師則皆曰固聞之

夫人佐母棄也固久也久聞太子欲爲亂

御覽皇親部太子類

左師聞之

聞太子與佐期日中

御覽皇親部太子類

聒而與之語過期乃縊而歿

聒謹也欲使失期于佐經書宋公殺其世子痤平公

用伊戾之譖聽夫人佐師之言世子無罪而歿故傳

宋公殺罪之也

御覽皇親部太子類

克而取之

取魯高魚及反之皆不書蓋諱之

本疏

公喪之如稅服終身

二十七年

衰麻已除日月已過乃聞喪而服是爲稅服服之輕

者

本疏

仲尼使舉是禮也以爲多文辭

以其多文辭故特舉而用之後世謂之孔氏聘辭以

孔氏有其辭故傳不復載也本疏

伯夙謂趙孟

伯夙晉大夫本疏攷證曰疏云其意以爲別有伯夙非荀盈也

故不書其族言違命也

叔孫欲尊魯國不爲人私雖以違命見貶其于尊國

之義得之本疏

趙孟爲客

楚君恆以大夫爲賓者大夫卑雖尊之猶遠君也楚

先歆爲盟主故尊趙孟爲客本疏

宜其光輔五君以爲盟主也

文公爲戎右襄靈爲大夫成公爲卿景公爲太傅也

本疏

牀第之言不踰閭

簀謂之第史記禮書疏

宋左師請賞曰請免死之邑

向戌自以止兵民不戰鬥自矜其功故求免死之賞

也本疏

以誣道繁諸侯

攷證曰繁今本作蔽釋文云服虔王肅董遇並作繁本疏云服本作弊王肅本

皆作蔽

繁踣也一曰罷也本疏攷證曰釋文引前三字

告盧蒲癭

癭齊大夫慶封之屬史記齊世家注

歲在星紀而淫于元枵以有時蓄陰不堪陽二十八

歲為陽元枵為陰歲乘陰進至元枵陰不勝陽故溫

無冰本疏

楚不幾十年未能恤諸侯也

此行也楚康王卒至昭四年楚靈王合諸侯于申距

今八年故曰不幾十年是謂十年不克征也本疏

舍不為墠攷證曰墠今本作壇從服本

除地為墠本疏

與慶舍政

舍慶封之子也生傳其職政與子史記齊世家注

吳句餘予之朱方

句餘餘祭本疏

祇見疏也二十九年攷證曰祇今本作多疏云服本作祇古人多祇同意

祇適也本疏

榮成伯賦式微

言君用中國之道微詩式微疏

不尙取之

不尙尙也尙當取女叔侯殺之本疏

毋寧夫人而焉用老臣

毋寧寧也寧自取夫人將焉用老臣乎本疏

吳公子札來聘

夷末新卽位使來通聘本疏攷證曰疏傳賈服

請觀于周樂

周樂魯所受四代之樂也史記吳世家注

猶未也

未有雅頌之成功詩關雎序疏攷證曰史記吳世家注引賈注同前有言字未有也字

爲之歌邶鄘衛

邶在紂都之西

詩邶鄘衛譜疏攷證曰疏傳王肅服虔以爲云云地理志云

武王崩三監叛周公誅之盡以其地封弟康叔號曰

孟侯遷邶鄘之民于洛邑故邶鄘衛三國之詩相與

同風同上攷證曰疏傳服虔依以爲說

爲之歌王

王室當在雅衰微而列在風故國人稱尊之故傳王

猶春秋之王人也史記吳世家注傳王而列于諸侯之上在

風則卑矣詩王譜疏攷證曰上承尊之猶傳王猶春秋之王人十一字文重刪去

其周之東乎

平王東遷雒邑史記吳世家注

爲之歌鄭

鄭東鄭古檜國之地詩鄭譜疏

其細已甚民勿堪也是其先亾乎

其風細弱已甚攝于大國之間無遠慮持久之風故

曰民不堪將先亾也史記吳世家注

泱泱乎大風也哉

泱泱舒緩深遠有太和之意其詩風刺辭約而義微

體疏而不切故曰大風吳世家注

國未可量也

國之興衰世數長短未可量也吳世家注
此之謂夏聲

秦仲始有車馬禮樂之好待御之臣戎車四牡田狩

之事其孫襄公列爲秦伯故有蒹葭蒼蒼之歌終南

之詩追錄先人車鄰駟鐵小戎之歌與諸夏同風故

曰夏聲詩秦譜疏

自鄆以下無譏焉

鄆是陸終第四子求言後詩鄆鄭譜疏攷證曰鄆鄭譜疏傳韋昭服虔皆云

鄆以下及曹風也其國小無所刺譏史記吳世家注

爲之歌小雅

自鹿鳴至菁菁者莪道文武修小政定大亂致太平
樂且有儀是爲正小雅

詩小大
雅譜疏

思而不貳怨而不言其周德之衰乎猶有先王之遺民
焉

此歎變小雅也其意言思上世之明聖而不貳于當
時之王怨當時之政而不有背叛之志也其周德之
衰微乎疑其幽厲之政也

本疏

爲之歌大雅

陳文王之德武王之功自文王以下至鳧鷖是爲正

大雅

詩小大
雅譜疏

爲之歌頌

哀公十一年孔子自衛反魯然後樂正雅頌各得其
所距此六十二歲當時雅頌未定而云爲之歌小雅
大雅頌者傳家據已定錄之

詩譜
序疏

遷而不淫

遷徙也文王徙鄴武王居鄩

史記吳
世家注

見舞象箭南籥者曰美哉猶有憾

象文王之樂舞象也箭舞曲名言天下樂削去無道

詩維清序疏攷證曰吳世家注引賈說象文十二
字名作也本疏引賈說箭舞十二字並與此同

憾也恨不及已以伐紂而致太平也

史記吳
世家注

而猶有慚德聖人之難也

慚于始伐而無聖佐故曰聖人之難也

吳世家注

勤而不德

禹勤其身以治水土也

吳世家注

見舞韶箭者

有虞氏之樂大韶也

吳世家注

德至矣哉

至帝王之道極于韶也盡美盡善也

吳世家注

若有他樂吾不敢請已

周用六代之樂堯曰咸池黃帝曰雲門魯受四代下

周二等故不舞其二季札知之故曰有他樂吾不敢

請

吳世家注

子速納邑與政

入邑與政職于公不與國家之事

吳世家注

慎之以禮

禮所以經國家利社稷也

吳世家注

將宿于戚聞鐘聲焉

孫文子鼓鐘作樂也

吳世家注

辯而不德必加于戮

辯若門辯也夫以辯爭不以德居之必加于刑戮也

吳世家注

文子聞之終身不聽琴瑟

聞義而改也琴瑟不聽而況于鐘鼓乎吳世家注

晉國其萃于三族乎

言晉國之祚將集于三家吳世家注

吾子好直必思自免于難

直不能曲撓以從眾吳世家注

穆叔問王子之為政如何三十年攷證曰一本作問王子圍之為政一本無圍字服虔王肅本同

本同

王子楚令尹王子圍也本疏

吏走問諸朝攷證曰吏今本作使服虔王肅本作吏

吏不知歷數故走問于卿大夫本疏

而廢其輿尉

輿尉軍尉主發眾使民本疏

鳥鳴于亳社

殷宋之祖也故鳴其社伯姬魯女欲使魯往悟伯姬

也本疏

宋大災宋伯姬卒待姆也

不書大非災火及人伯姬坐而待之耳本疏

大夫放攷證曰放今本作敖據注服本是放字

春秋傳服氏注九

言大夫淫放

疏本

立胡女敬歸之子子野三十一年

胡歸姓之國也

史記魯世家注

立敬歸之娣齊歸之子

齊諡也

魯世家注

無則立長

無母弟則立庶子之長

魯世家注

猶有童心

言無成人之志而有童子之心

魯世家注

以羸諸侯

羸讀為盈盈受

本疏攷證曰疏言賈服王注皆讀為盈故皆訓為受

延州來季子

延延陵也州來邑名季子讓王位升延陵為大夫會

邑州來傳家通言之

本疏

令尹似君矣

言令尹動作以君儀故云似君矣

本疏

此

春秋傳服氏注十

鄭氏佚書十五之十

鄭袁鈞學

昭公左氏傳解詁第十

告于莊共之廟而來

元年

莊謂楚莊王圍之祖共王圍之父

儀禮聘禮疏

楚公子圍設服離衛

離衛二人執戈在前在國居君離宮陳衛在門

本疏

蒲宮有前不亦可乎

蒲宮楚君離宮言令尹在國已居君之宮出有前戈

不亦可乎

本疏

鄭氏佚書

春秋傳服氏注十

吾代二子愍矣

愍憂也代伯州犁憂公子圍代子羽憂子皙本疏

周有徐奄

賈逵云書序曰成王伐淮夷遂踐奄徐卽淮夷一曰

魯公所伐徐戎也

本疏攷證曰賈說卽杜註疏云賈逵亦然是杜用賈也疏引賈後又

引服虔云一曰云云傳一曰者別一通也必先有正解解誼蓋先列賈義後附別通孔氏旣以賈同杜不載而別通又無名氏卽于一曰上橫加服虔云三字耳說已見文十一年皇父之二子條宣元年見叔牂條

吾與子弁冕端委

禮衣端正無殺故曰端文德之衣尙褻長故曰委本疏

十里舍車自雍及絳歸取酬幣終事八反

每于十里置幣車一乘千里百乘以次相授車率皆

日行一百六十里謂從絳向雍去而復還一享之間

八度至也

本疏

兩于前伍于後專爲右角參爲左角偏爲前拒

司馬灋云五十乘爲兩百二十乘爲伍八十一乘爲

專二十九乘爲參二十五乘爲偏彼皆準車數多少

以爲別名此傳去車用卒而有此名則此名不以車

數爲別也

本疏

遷闕伯于商丘主辰商人是因故辰爲商星遷實沈于

鄭氏失書

春秋傳服氏注十

二

大夏主參唐人是因

辰大火主祀也商人契之先湯之始祖相土封鬲伯之故地因其故國而代之大夏在汾澮之間主祀參

星

史記鄭世家注

唐人卽是劉累

本疏

其季世曰唐叔虞

唐叔虞卽下句邑姜所生者也

本疏

當武王邑姜方震太叔

邑姜武王后齊太公女也

史記晉世家注

昔金天氏有裔子曰昧爲元冥師生允格臺駘

金天少皞也元冥水官也師長也昧爲水官之長允

格臺駘兄弟也

史記鄭世家注

臺駘能業其官

修昧之職

鄭世家注

障大澤以處太原帝用嘉之

障陂障其水也太原汾水名帝顓頊也

鄭世家注

山川之神則水旱癘疫之災于是乎禋之

禋爲營攢用幣也若有水旱則禋祭山川之神以祈

福也

鄭世家注

勿使有所壅閉湫底

湫著也底止也

本疏攷證曰又見釋文

于是有煩手淫聲

鄭重其手而音淫過

公羊莊十七年疏

六氣曰陰陽風雨晦明也

風東方雨西方陰中央晦北方明南方惟天陽不變

詩漸漸之石疏破證曰詩疏傳賈逵服虔以風東云云又云陰中云云

伍舉問應爲後之辭焉

問來赴者

史記楚世家注

趙孟適南陽將會孟子餘甲辰朔烝于溫

孟趙盾子餘趙衰甲辰朔夏十一月朔也

本疏祭人君

用孟月人臣用仲月

禮記王制疏

有嘉樹焉宣子譽之

二年

譽游也宣子游其樹下夏諺曰一游一譽爲諸侯度

本疏

少姜有寵于晉侯晉侯謂之少齊

所以寵異不與齊眾女字等言齊國如此好女甚少

本疏

晉侯使郊勞

近郊三十里

詩駟疏

火中寒暑乃退

三年

火大火星也季冬十二月平旦正中在南方大寒退

季夏六月黃昏火星中天暑暹是火為寒暑之候事

也

詩七月疏

以備內官焜耀寡人之望

焜明也耀照也言得備妃嬪之列照明已之意望也

本疏攷證曰釋文引焜耀訓

而三老凍餒

三老者工老商老農老也

本疏攷證曰又見釋文本疏無也字釋文無者字

民人痛疾而或燠休之

燠休痛其痛而念之若今時小兒痛父母以口就之

曰燠休代其痛也

本疏

其相胡公大姬

相隨也

本疏攷證曰釋文云相服如字

讒鼎之銘

讒鼎疾讒之鼎明堂位所云崇鼎是也一云讒地名

禹鑄九鼎于甘讒之地故曰讒鼎

本疏

子豐有勞于晉國

鄭僖公之為太子豐與之俱適晉

本疏

四嶽

四年

四嶽東嶽岱南嶽衡西嶽華北嶽恆

詩崧高疏

三塗

塗道也三塗太行轅轅嶠澗也

水經伊水注攷證曰又見本疏無塗道也

三

古者日在北陸而藏冰西陸朝覲而出之

陸道也北陸言在謂十二月日在危一度西陸朝覲

不言在則不在昴謂二月在婁四度

周禮漿人疏

其出之也朝之祿位賓會喪祭于是乎用之

祿位謂大夫以上賓客會喪有祭二日日出在婁四

度春分之中奎始晨見東方蟄蟲出矣故以是時出

之給賓客喪祭之用

詩七月疏

月令仲春天子乃獻羔啟

冰

本疏攷證曰疏上承二月日在婁四度春分之中奎始晨見東方以是時出冰二十二字謂服以此

言出之即仲春啟冰故為此說文重刪去

其藏之也黑牡秬黍以享司寒其出之也桃弧棘矢以除其災

司寒司陰之神元冥也將藏冰致寒氣故祀其神

詩七月

疏桃所以逃凶也棘矢者棘赤有箴取其名也蓋出

冰之時置此弓矢于凌室之戶所以禳除凶邪將御

至尊故慎其事為此禮也

本疏

公始用之火出而畢賦

謂春分時奎婁晨見東方而出冰是公始用之

周禮漿人

疏攷證曰承前謂二月在婁四度下火出于夏為三月于商為四月于

周爲五月

聚人疏攷證曰又見詩七月疏無首二字

秋無苦雨

害物之雨民所苦

詩甫田疏

康有鄭宮之朝

鄭宮成王廟所在也

史記楚世家注

王曰吾用齊桓

召陵之役齊桓退舍以禮楚靈王今感其意是以用

之

本疏

屬有宗祧之事于武城寡君將墮幣焉

墮輸也言將輸受宋之幣于宗廟

本疏攷證曰詩正月疏引前三字釋

文引輸也二字

商紂爲黎之蒐東夷叛之

黎東夷國名也子姓

史記楚世家注

鄭子產作丘賦國人謗之

子產作丘賦者賦此一丘之田使之出一馬三牛復

古灋耳丘賦之灋不行久矣今子產復修古灋民以

爲貪故謗之

本疏

蔡及曹滕其先亾乎

齊景亾滕

隱七年疏

饗大夫以落之

魯以殺豚為落詩斯千疏

卿喪自朝五年

言卿葬三辭于朝從朝出正門卿佐國之楨幹君之

股肱必過于朝重之也本疏

使亂大從

使亂大和順之道也釋文攷證曰本疏無也字

明而未融

融高也詩東方之日疏

享類有璋

享獻釋文朝聘之禮使執玉以授主國之君乃行享禮

獻國之所有類見也謂行享禮以見主國之君也本疏

攷證曰疏稱鄭氏先儒以為云云蓋即鄭服也釋文云鄭服皆以享為獻耳

殮有陪鼎

陪牛羊豕鼎故云陪鼎本疏

羊舌四族

伯萼叔向叔魚季夙本疏

何不可之有

何不可之有言不可也本疏

遠啟疆待命于雩婁

雩婁楚之東邑史記吳世家注

三辟之興皆叔世也

六年

政衰爲叔世叔世踰于季世季世不能作辟也

本疏

儀式刑文王之德日靖四方

儀善式用刑灋靖謀也言善用灋文王之德日日謀

安四方

本疏

儀刑文王萬邦作孚

儀善也刑灋也善用灋者文王也言文王善用其灋

故能爲萬國所信也

本疏

藏爭辟焉

鑄鼎藏爭辟故今出火與五行之火爭明故爲災在

器故稱藏也

本疏

不抽屋不强句

抽裂也言不毀裂所舍之屋也句乞也不就人强乞

也

本疏

士正相

攷證曰今本作士句疏云諸本及王肅董遇注皆作士正俗本或誤爲士句稱諸本鄭服在其

中今本卽所謂俗本也

暨齊平齊求之也

七年

賈逵以爲魯與齊平許惠卿以爲燕與齊平虔謂襄

二十四年仲孫羯侵齊二十五年崔杼伐我自爾以

來齊魯不相侵伐且齊是大國無爲求與魯平此六

年冬齊侯伐北燕將納簡公齊侯貪賄而與之平故

傳言齊求之也齊次于號燕人行成其文相比許君

近之

本疏攷證曰虔謂本作服虔曰以義改疏引此注自賈逵以爲至許君近之則賈君以下皆解

說見前

士臣皐皐臣輿輿臣隸隸臣僚僚臣僕僕臣臺

皐造也造成事也輿眾也佐皐舉眾事也隸隸屬于

吏也僚勞也共勞事也僕僕豎主藏者也臺給臺下

微名也

本疏

作僕區之灋

僕隱也區匿也爲隱匿亾人之灋也

釋文攷證曰本疏引隱下脫匿

字

好以大屈

賈逵曰大屈寶金可以爲劍大屈金所生地名一曰

大屈弓名魯連書曰楚子享魯侯于章薳與之大曲

之弓旣而悔之遺啟疆見魯侯魯侯歸之大屈殆所

謂大曲之弓也

史記魯世家注攷證曰史記注本無賈逵曰三字及大屈金所生地各七

字遠敗疆見魯侯魯侯歸之十字從本疏增補本疏引賈說又引服虔云一曰云云賈說在解證中而疏家隔斷史記注遂并作服語然知爲解證之文猶賴此耳今以史記注爲主參以本疏庶見解證之舊未

句本疏引作卽大曲也是疏家刪節語從史記注

賜子產莒之二方鼎

鼎三足則圓四足則方

本疏

吾聞將有達者曰孔丘聖人之後也而滅于宋其祖弗父何以有宋而授厲公及正考父佐戴武宣三命茲益恭故其鼎銘云一命而僂再命而偃三命而俯

聖人謂商湯也孔子六代祖孔父嘉為宋穆公所殺

其子奔魯也

後漢書孔融傳注攷證曰孔子世家注引前五字

弗父何宋湣

公世子厲公之兄以有宋言湣公之適嗣當有宋國

而讓與弟厲公也

詩商頌那序疏攷證曰詩疏引此本無弗父何三字以下孔子世家

注引者例之知其必有文不具爾今以義補

正考父弗父何之曾孫僂偃

俯皆恭敬之貌也

孔子世家注

我若獲沒必屬說與何忌于夫子使事之

賈逵云孟僖子卒屬其子使事仲尼仲尼時年三十

五矣

襄二十一年疏攷證曰疏僂服虔載賈逵語如此前有是歲二字僖子以昭公二十四年卒傳

終言之則不得于此時僂是歲矣當是昭公二十四年孟僖子云云引者隨文易是歲爾今去此二字孔

子世家索隱止引末句

歲時日月星辰是謂也

歲星之神也左行于地十二歲而一周時四時也日

十日也月十二月也星二十八宿也辰十二辰也是

為六物也

詩小弁疏

石言于晉魏榆

八年

魏晉邑榆州里名

本疏攷證曰又見釋文晉邑作邑也又見水經洞渦水注未有也字

甚哉其相蒙也

蒙欺也

史記晉世家注

將往

將往者欲往到陳氏問助子良攻我意

本疏

與嬖袁克殺馬毀玉以葬

楚葬哀公

本疏攷證曰疏云賈服以葬哀公之文在殺孔奭之下以為云云

一曰馬

陳侯所乘馬玉陳侯所佩玉故殺馬毀玉不欲使楚

得之

本疏

陳顓頊之族也

陳祖虞舜舜出顓頊故為顓頊之族

史記陳杞世家注

宋萼亥鄭游吉衛趙厲會楚子于陳

九年攷證曰今本宋萼亥上有叔弓

二字案經書叔弓會楚子而傳著宋萼亥等不書叔弓故服注以為後也服本無叔弓二字

此會宋鄭衛之大夫不書叔弓後也

本疏

然丹遷城父人于陳以夷濮西田益之

濮水名也

水經濮水注

蒲姑商奄

蒲姑商奄濱東海者也蒲姑齊也商奄魯也二十年

傳曰蒲姑氏因之定四年傳曰因商奄之民命以伯

禽

本疏

王有姻喪使趙成如周弔

婦之父曰姻王之后喪父于王亦有服義故往弔本疏

陳災

愍陳不與楚故存陳而書之言陳尚為國也本疏攷證曰疏

僭賈服

火水妃也

火離也水坎也易卦離為中女坎為中男故火為水

妃也本疏

孟僖子如齊殷聘

殷中也周禮大行人疏自襄二十年叔老聘于齊至今積二

十年故中復修盛聘之禮儀禮聘禮疏攷證曰周禮

有聘齊二字復下無修字末無之禮二字

請斷三尺焉而用之十年

斷三尺使至于較大夫旗至較周禮典人疏

視民不佻

示民不偷薄詩鹿鳴疏

冬十二月

經去冬刺不登臺視氣公羊疏攷證曰經十有二月不書冬傳有冬疏僂賈服以

為云

孟僖子會邾莊公盟于祥十一年攷證曰今本作禋祥公羊疏云服氏注引者直作

鄭氏朱書春秋傳服氏注十

祥無祿字從服本

已乎已乎十二年

已乎決絕之辭本疏

求鼎以為分

有功德受分器史記楚世家注

筆路藍縷以處艸莽跋涉山林以事天子唯是桃弧棘

矢以其禦王事

筆路柴車素木路也藍縷言衣敝壞其縷藍藍然也

艸行曰跋水行曰涉桃弧棘矢所以禦其災言楚地

山林無所出也楚世家注攷證曰筆路之路史記作露故引注亦作露未知服本然否

齊王舅也

齊呂伋成王之舅楚世家注

昔我皇祖伯父昆吾舊許是宅

陸終氏六子長曰昆吾少曰季連季連楚之祖故謂

昆吾為伯父也昆吾曾居許地故曰舊許是宅也楚世家注

家注

晉伐鮮虞

穀梁傳曰其曰晉狄之也不正其與夷狄交伐中國

故狄侮之也本疏攷證曰疏引穀梁傳文僞賈服取以為說

請待于郊以聽國人十三年

聽國人欲爲誰史記楚世家注

將欲入鄢

鄢楚別都也

楚世家注

吾父再奸王命

斷王旌執人于章華之宮

楚世家注

獲其五帥

五率蕩侯潘子司馬督囂尹午陵尹喜

楚世家注攷證曰帥史記

作率故引注如此

康王跨之

兩足各跨璧一邊

楚世家注

同惡相求如市賈焉

謂國人共惡靈王者如市賈之人求利也

楚世家注

無與同好誰與同惡

言無黨于內當與誰共同好惡

楚世家注

無費而動可謂無謀

言靈王尙枉而妄動取國故謂無謀也

楚世家注

私欲不違

不以私欲違民心

楚世家注

齊桓晉文不亦是乎

皆庶子而出奔

楚世家注

有國高以為內主

國子高子皆齊之正卿楚世家注

從善如流

言其疾也楚世家注

惠懷棄民

皆棄民不恤楚世家注

使諸侯歲聘以志業間朝以講禮再朝而會以示威再會而盟以顯昭明

朝天子之禮禮記王制疏攷證曰疏併賈服

鄭伯男也

鄭伯爵在男服也本疏攷證曰又見詩鄭譜疏鄭眾同
貢之無藝

藝極也一曰常也本疏

司徒老祁慮癸十四年

司徒姓也老祁字也慮癸亦姓字也二子季氏家臣也本疏

有孤寡

宥寬赦其罪本疏

乃施邢侯

施罪于邢侯也施猶劾也邢侯亡故劾之本疏攷證曰首句本

無也字從釋文補釋文止引首句句末有也字

不為末滅曰義也夫

滅讀為咸不為末者不為末槩隱蔽之也咸曰義也

言人皆曰叔向是義本疏攷證曰疏言服虔讀滅為咸下屬為句

吾見赤黑之祲十五年

水黑火赤水火相遇口口口口口口本疏攷證曰疏引此下有云云

二字云云者當是故見赤黑之祲六字也引文不具今為空方記之

辱必求之

辱欲本疏攷證曰疏傳服虔以辱從下讀訓之為欲必求之吾力助子請

禮王之大經也

經常也常所當行也本疏

幾為之笑而不陵我十六年

幾近也孔張失位近為所笑本疏

刑之類類

頗偏也類讀為類不平也本疏攷證曰疏言服虔讀類為類

立于朝而祀于家

祀其所自出之君子家以為太祖本疏

其祭在廟

其祭在廟謂孔張先祖配廟會本疏

非不能事大字小之難

字養也言事大國易養小國難

本疏攷證曰疏言服虔斷字小之難以下

義為

不亦銳乎

銳折也

本疏

昔者黃帝氏以雲紀故為雲師而雲名炎帝氏以火紀故為火師而火名共工氏以水紀故為水師而水名太皞氏以龍紀故為龍師而龍名

十七年

黃帝受命得景雲之瑞故以雲紀事黃帝以雲名官蓋春官為青雲氏夏官為緡雲氏秋官為白雲氏冬官為黑雲氏中官為黃雲氏炎帝以火名官春官為

大火夏官為鶉火秋官為西火冬官為北火中官為中火共工以水名官春官為東水夏官為南水秋官為西水冬官為北水中官為中水太皞以龍名官春官為青龍氏夏官為赤龍氏秋官為白龍氏冬官為黑龍氏中官為黃龍氏

本疏

五雉為五工正利器用正度量夷民者也

雉者夷也夷平也使度量器用平也

本疏

九扈

攷證曰本疏云賈服皆云鵲鵲亦聲音為名也據疏引賈注無此語蓋服亦引爾雅釋九扈而申其

義有此

文爾

自顓頊以來不能紀遠乃紀于近為民師而命以民事

白少皞以上天子之號以其德百官之號以其徵自

顓頊以來天子之號以其地百官之紀以其事禮記月令

疏春官為木正夏官為火正秋官為金正冬官為水

正中官為主正高辛氏因之故傳曰遂濟窮桑窮桑

顓頊所居周禮疏序攷證曰又見路史後紀注九

涉自棘津

棘津猶孟津也水經河水注

今茲火出而章必火火入而伏攷證曰疏云賈氏舊文無重火字服虔注本火

出而章必火火入而伏重火別句今從服本

宋衛陳鄭皆火梓慎登大庭氏之庫以望之十八年

四國次有火氣也本疏大庭氏古亾國之名在黃帝前

其處高顯周禮誦訓疏攷證曰本疏引在黃帝前四字

弗良及也

弗良及者不能及也良能也本疏

禳火于元冥回祿

回祿火神本疏攷證曰疏言先儒注左傳者皆云云服虔在其中

邠人藉稻

藉耕種于藉田也本疏

今執事撝然

撝然猛貌也本疏

九年

楚大夫

史記楚世家注

許悼公瘡

許悼公靈公之子許男買瘡寒疾也

御覽皇親部太子類

飲大子止之藥卒大子奔晉書曰弑其君

禮醫不三世不使君有疾飲藥臣先嘗之親有疾飲

藥子先嘗之公疾未瘳而止進藥雖嘗而不出醫而

卒故國史書弑告于諸侯也

御覽皇親部太子類

盡心力以事君舍藥物可也

原止之無惡藥物不由醫無以加壽命有終故曰舍

藥物可也一曰罪止也非刺無良史物贖為勿止實

孝能盡心事君舍藥物以罪之

御覽皇親部太子類攷證曰此注多譌字

由字疑用字之譌贖字疑讀字之譌孝字疑未字之譌

若大城城父而寘大子焉

城父楚北境邑

史記楚世家注

懼隊宗主

所主藏于宗廟故曰宗主

本疏

寡君與其二三老

二三老駟偃家臣

本疏

春王二月己丑日南至梓慎望氛

二十年

梓慎知失閏二月冬至故獨以二月望氣本疏

奮揚使城父人

城父人城父大夫也本疏

相從爲愈

相從愈于其死本疏

彼將有他志

欲取國史記吳世家注

賓將擷

謂行夜周禮縛師疏攷證曰縛師疏云杜子春云春秋傳所謂賓將趨者與釋曰賓將趨注謂行夜不作趨者彼買服讀字與子春意異

琴張聞宗魯死

賈逵鄭眾皆以爲子張卽顓孫師案七十子傳云子

張少孔子四十餘歲孔子是時四十知未有子張鄭

賈之說不知所出本疏攷證曰疏于案上加服虔云三字遂使解詁原文隔斷今去之

君盍誅于祝固史嚚以辭賓

祝固齊大祝史嚚大史也謂祝史之固陋嚚聞不能

盡禮薦美至于鬼神怒也本疏

上下無怨

上下謂神人無怨本疏攷證曰上下下脫無怨二字疏先解云上下無相怨引服因省

爾

上下怨疾

攷證曰上下無怨疏云即如服言下云上下怨疾復是人與神相怨疾也

一氣

歌氣也

釋文

六律七音

七律謂七器音黃鐘為宮林鐘為徵太簇為商南呂為羽姑洗為角應鐘為變宮蕤賓為變徵外傳云武王克商歲在鶉火月在天駟日在析木之津辰在斗柄星在天龍鶉火及天駟七列也南北之揆七月也

晁氏為鐘以律計自陪半一縣十九鐘鐘七律十二縣二百二十八鐘為八十四律此一歲之間

周禮小胥疏攷

證曰魏書樂志作黃鐘之均黃鐘為宮大簇為商姑洗為角林鐘為徵南呂為羽應鐘為變宮蕤賓為變徵一縣十九鐘十二縣二百二十八鐘八十四律此刪節之辭

亟言之

二十一年

亟疾也疾言之欲使信

本疏

而不能送亡君請待之

攷證曰疏云服虔以君上屬

曰不狎鄙

狎夏也子城謂萼豹曰不夏射為鄙一曰城言我不

狎習故鄙

本疏

王弗應

二十二年

賈逵以為太子壽卒景王不立適子鄭眾以為壽卒

王命猛代之後欲廢猛立朝耳

本疏攷證曰疏引此二說云服虔以賈為

然則二說皆解證所有也

取前城

前讀為泉周地也

水經伊水注

使各居一館

二十三年

賈逵云使邾魯大夫各居一館鄭眾云使叔孫子服回各居一館邾魯大夫本不同館無為復言使各居一館也欲分別叔孫與子服回不得相見各聽其辭

耳賈氏近之

本疏攷證曰疏引賈鄭說後云服虔並載兩說仍云賈氏近之

戰于雞父

南宮極震

不書楚楚諱敗不告

本疏攷證曰注首當有經字

南宮極王子朝之卿士也

御覽咎徵部地震類

先君之力可濟也

先君謂劉獻公文公父也獻公亦欲立子猛不欲令

子朝當國今南宮極震為天所棄先君之功事可

成也

御覽咎徵部地震類

今西王之大臣亦震

西王謂子朝也子朝居王城故謂之西王也

御覽咎徵部地震類

東王必大克

東王敬王居狄泉狄泉在王城之東故曰東王也御覽

告徵部
地震類

乃縕于遠濫

或謂之邑又謂之地水經三
濫地注

明其五侯

攷證曰疏云賈服王董皆作五侯則此外有
不作五侯者矣然今本亦是五侯不異也

賈逵云五侯五方之侯也敬授民時四方中央之侯

王云五侯山侯林侯澤侯川侯地侯也董云五侯侯

四方及國中之姦謀也

本疏攷證曰服本既同賈王
董則賈王董三說皆在解詁

中可知特折衷之
語為孔所刪去耳

及鍾離而還

二十四年

鍾離州來西邑也

史記吳
世家注

五牲三犧

二十五年

牲麇鹿熊狼豕豕三犧雁鶩雉也

本疏

民有好惡喜怒哀樂生于六氣

好生于陽惡生于陰喜生于風怒生于雨哀生于晦

樂生于明

詩蒸民疏攷證曰
本疏引賈說同

季氏介其雞邠氏為之金距

擣芥子播其雞羽可以至邠氏雞目

史記魯世家注
攷證曰又見本

疏芥子下有為末二
字羽作翼傳賈注

金距以金踏距

儀禮少年饋食
疏攷證曰以金

踏距四字又見魯世家注

平子怒益宮于邱氏

怒其不下己也侵邱氏之宮地以自益史記魯世家注

拘臧氏老

老臧氏家之大臣魯世家注

請囚于費弗許請以五乘亾弗許

鄭季氏邑言五乘自省約以出魯世家注

執冰而踞

冰饋丸蓋詩大叔于田疏攷證曰本疏引賈注同未有也字

齊侯取鄆二十六年

往年齊侯取鄆實圍鄆耳經于圍書取傳實其事故

于是言取本疏

然據有異焉

異猶怪也史記魯世家注

劉子以王出

出成周也本疏

使女寬守闕塞

闕塞南山伊闕是也太平寰宇記攷證曰又見元大一統志資治通鑑綱目

質實

欲立子西

子西平王之長庶子宜申也御覽皇親部太子類

太子王弱

太子任即昭王也其年幼弱母秦嬴御覽皇親部太子類

王子建實聘之

謂夫人故太子建聘之御覽皇親部太子類

是亂國而惡君王也

廢而不立是謂亂國迫惡君王也御覽皇親部太子類

國有外援不可黷也

外援謂太子任秦之外孫黷易也秦為任外援不可

易御覽皇親部太子類

昔文武克殷攷證曰文武今本作武王據注服王本作文武也

文王受命武王伐紂故云文武克殷本疏攷證曰疏傳服虔王肅並

注云

諸侯釋位以間王政

言諸侯釋其私政而佐王室魏志武帝紀注攷證曰又見文選潘元茂冊魏

公九錫文注

玩求無度攷證曰玩今本作規據注服王孫本作玩

玩貪也本或作規謬也本疏攷證曰疏傳服王孫皆注云云

美哉室其誰有此乎

景公自恐德薄不能久享齊國故曰誰有此也史記齊世

家注攷證曰
又見本疏

使延州來季子聘于上國 二十七年

上國中國也蓋以吳僻在東南地勢卑下中國在其

上流故謂中國為上國也 本疏

以觀諸侯

察彊弱 史記吳世家注

楚莠尹然王尹麋帥師掾潛 攷證曰今本王作工據注服本是王字

王尹主宮內之政 本疏

上國有言曰

上國謂上古之國賢士所言也 本疏攷證曰釋文引上古國也四字

不索何獲

不索當何時得也 史記吳世家注

我王嗣也

夷昧生光而廢之僚者夷昧之庶兄夷昧卒僚代立

故光曰我王嗣也 本疏攷證曰吳世家索隱云公羊傳曰謁也餘祭也夷昧也與季子

同母者四人季子弱而才兄弟皆愛之同欲以為君季子猶不受謁請兄弟迭為君而致國乎季子皆曰

諾故謁也亦餘祭也立餘祭也亦夷昧也立夷昧也亦

閭閻曰將從先君之命與則國宜之季子也如不從先

君之命則我宜立者也僚惡得為君乎于是使專諸

刺僚史記壽夢四子亦約公羊文但以僚為餘昧子

為異耳左氏其文不明服虔用公羊杜預依史記及

按左氏狐庸對趙文子謂夷末甚德而度其天所啟也必此君之子孫實終之若以僚為夷末子不應此言又光言我王嗣則光是夷昧子明僚是壽夢庶子

母老子弱

母老子弱專諸託其母子于光也史記吳世家注

是無若我何

猶言我無若是何吳世家索隱

我爾身也

言我身猶爾身也吳世家注

鮪設諸寘劍于魚中以進

全魚炙也吳世家注

哀死事生以待天命

待其天命之終也吳世家注

復命哭墓

復命于僚哭其墓也吳世家注

復位而待

復本位待光命吳世家注

取五甲五兵

兵戟也本疏

遂弗葬也令尹炮之

民不冝葬也鄢將師稱令尹使女燔炮之本疏

使宰獻而請安

主人請安謂主人使司正請安于賓

本疏

黝黑而甚美光可以鑑名曰元妻

二十八年

髮美爲鬢詩云鬢髮如雲言其美長而黑以髮美故

名元妻

本疏攷證曰又見詩君子偕老疏言其作其言釋文引前四字

貪怵無厯忿類無期

攷證曰釋文云類服作類

忿怒其類以厯其私無期度也

本疏

心能制義曰度

心能制事使得其宜言善揆度事也

詩皇矣疏

德正應和曰莫

在己爲德施行爲正發號施令天下皆應和之言皆

莫然而定無譴謗也

皇矣疏

昭臨四方曰明

豫見安危也

皇矣疏

教誨不倦曰長

教誨人以善不懈倦言善長人以道德也

皇矣疏

慈和徧服曰順

上愛下曰慈和中和也爲上而愛下行之以中和天

下徧服從而順之

皇矣疏

擇善而從之曰比

此方損益古今之宜而從之

皇矣疏

經緯天地曰文

德能經緯順從天地之道故曰文

皇矣疏

不夕食

昨飲酒醉故不夕食

御覽人事部仇讎類

願以小人之腹為君子之心屬履而已

屬足也小人三子自謂小人腹飢則恐食之不足厭

飽則恐亡君子居尊官食重祿而知足故願以其腹

為君子之心

御覽人事部仇讎類

齊侯使高張來唁公稱主君

二十九年

大夫稱主比公于大夫故稱主君

史記魯世家注

故國有參龍氏有御龍氏

參養也穀食曰參御亦養也養馬曰圉禮養犬豕曰

參

本疏攷證曰夏本紀注引御亦養三字

帝賜之乘龍河漢各二

河漢各二乘

釋文

四頭為乘四乘十六頭也

本疏

其後有劉累

后劉累之為諸侯者夏后賜之姓

史記夏本紀注

官宿其業

宿思也今日當預思明日之事如家人宿火矣

本疏

龍水物也水官棄矣故龍不生得

龍為東方之獸是此方水官之物也水官廢矣故龍

不生得言母不修故子不至也本疏攷證曰疏云漢氏先儒說左氏者皆

以為五靈配五方龍屬木鳳屬火麟屬土白虎屬金

神龜屬水其五行之次木生火火生土土生金金生

水水生木王者修其母則致其子水官修則白虎至金官

官修則鳳至火官修則麟至土官修則白虎至金官

修則神龜至故為其說云視明禮修而麟至思睿信

其同人

天在上火炎上同于天天不可同故曰同人本疏

川出龍貌其體仁則鳳皇來儀皆修其母而致其子

也解此龍水物者云云稱漢氏先儒說左氏者皆以

為則鄭服

在其中

遂濟窮桑

窮桑顓頊所居路史後紀注九攷證曰濟渡也言四

叔子孫世不失職遂渡少皞之世本疏

遂賦晉國一鼓鐵以鑄刑鼎

鼓量名也曲禮曰獻米者操量鼓取晉國一鼓鐵以

鑄之本疏

非公且徵過也三十年

非公且徵過昭公無道久在外季氏非公不肯釋言

公在某地春秋之義亦以不書徵季氏之過此年書

者公不得入晉外內有困辱季氏閔而釋之所謂事

君如在國按明年傳云言不能外內又明年傳云言不能外內又不能用其人皆是傳說經意非責昭公

不是季氏非公也

本疏

不絕季氏而賜之灰

三十一年

言賜不使灰是爲以灰賜之

本疏

邾黑肱以濫來奔

公羊五分之然後受之邾婁本附庸三十里耳而言

五分之爲六里國也

公羊疏攷證曰疏併服虔成長義

十二月辛亥朔日有食之是夜也趙簡子夢童子羸而轉以歌旦占諸史墨曰吾夢如是今而日食何也對曰

六年及此月也吳其入郢乎終亦弗克入郢必以庚辰

日月在辰尾庚午之日始有謫火勝金故弗克

史墨晉史蔡墨

史記魯世家注

是歲歲在析木後六年在太

梁大梁水宗十一月日在星紀爲吳國分楚之先顓

頊之子老童童子楚象行歌象楚走哭姬姓日日在

星紀星紀之分姬姓吳也楚衰則吳得志吳世世與

楚怨楚走去其國故曰吳其入郢吳屬水水數六十

月水位故曰六年及此月也有適而會故知吳終亦

不克後六年定四年十一月閏餘十七閏在四月後

其十一月晦晦庚辰吳入郢在立冬後復此月也十

二月辛亥日會月于龍尾而會庚午日初有適故曰
庚辰一曰日月在辰尾尾爲臣是歲吳始用子胥
之謀以伐楚故天炁象午火庚金也火當勝金而反
有適故爲不克晉諸侯之霸與楚同盟趙簡子爲執
政之卿遠夷將伐同盟日應之會故夢發簡子周禮占夢
疏

不及四十年越其有吳乎越得歲而吳伐之必受其凶

三十二年

歲星在星紀吳越之分野蔡復之歲歲在大梁距此
十九年昭十五年有事于武宮之歲龍度天門龍歲

星也天門在戌是歲越過故使今年越得歲龍東方
宿天德之貴神其所任之國兵必昌向之以兵則凶
吳越同次吳先舉兵故凶也或歲星在越分中故云
得歲史墨知不及四十年越有吳者以其歲星十二
年一周天存亡之數不過三紀三者天地人之數故
歲星三周星紀至元枵哀二十二年越滅吳至此三
十八年周禮占夢疏攷證曰昭九年疏云服氏以爲
有事于武宮之歲龍度天門謂十五年歲星
從申越未而至午歷家以周天十二次次別爲百四
十四分歲星每年行一百四十五分是歲星行一次
外賸行一分積一百四十四年乃
賸行一次故昭十五年得超一辰
合諸侯之大夫于狄泉

翟泉在洛陽東北周之墓地

水經穀水注攷證曰水經注傅班固服虔皇甫

謚咸言

以

春秋傳服氏注十一

鄭氏佚書十五之十一

鄭袁鈞學

定公左氏傳解詁弟十一

君行師從卿行旅從

四年

謂會同

詩黍苗疏

將長蔡于衛

載書使蔡在衛上

史記管蔡世家注

蔡叔康叔之兄也

蔡叔周公兄

本疏攷證曰疏傅賈逵等皆言如此知服亦然也

封父之繁弱

鄭氏佚書

春秋傳服氏注十一

古者伐國遷其重器以與同姓此繁弱封父之國為之不知何時滅其國而得之也

本疏攷證曰疏傳鄭康成曰

備物典策

備物國之職物之備也當謂國君威儀之物若今織

扇之屬備賜魯也

本疏

楚子取其妹季芊畀我以出

季芊許嫁而字畀我季芊字也禮婦人許嫁笄而稱

字季芊稱字是許嫁也蓋遭亂夫死而改適鍾建耳

本疏攷證曰釋文引畀我季芊之字六字

王奔鄆

鄆楚邑

史記吳世家注

平王殺吾父

父蔓成然

史記楚世家注

以王奔隨

隨楚與國也

史記吳世家注

與申包胥友

楚大夫王孫包胥

史記楚世家注

歸粟于蔡

五年

不書所會後也

本疏攷證曰疏言服虔取彼公穀二傳為說云云

于是乎遷郢于都

六年

都楚邑

史記吳世家注

齊人歸鄆陽關七年

陽關魯邑

史記魯世家注

吾志其目也八年

志中其目是非其誠詐以自矜

儀禮大射儀疏

順祀先公

自躋僖公以來昭穆皆逆

禮記禮器疏

取寶玉大弓以出

夏后氏之璜封父之繁弱成王所以分魯公也

本疏攷證

白疏言劉歆以來說左氏者皆以爲云云服在其中

暫幘而衣狸製

九年

狸製狸裘也

詩七月疏

以五家免

是時齊克夷儀而有之既爲齊有故齊得優免其爲

役也

本疏

公會齊侯于祝其夾谷

十年

東海郡祝其縣也

史記周本紀注攷證曰又地二名見齊世家注無郡也二字

水經淮水注

若使萊人

東萊黃縣是

史記夏本紀注

鄭氏秋書

春秋傳服氏注十一

且犧象不出門嘉樂不野合

犧象饗禮之犧尊象尊也嘉樂鐘鼓之樂也詩鼓鐘疏

齊人來歸鄆謹龜陰之田

三田汶陽田也龜山名陰之田得其田不得其山也

史記魯世家注

仲由爲季氏宰將墮三都十二年

仲由子路史記魯世家注三都三家之邑也史記孔子世家注

公與三子

三子季孫孟孫叔孫也孔子世家注

入及公側

人有入及公之臺側孔子世家注

仲尼命申句須樂頎下伐之

申句須樂頎魯大夫孔子世家注

公斂處父

成宰也孔子世家注

晉趙鞅謂邯鄲午曰歸我衛貢五百家吾舍諸晉陽十三年

往年趙鞅圍衛衛人恐懼故貢五百家鞅置之邯鄲

又欲遷徙于晉陽史記趙世家注

歸告其父兄

午之諸父兄及邯鄲中長老趙世家注

趙稷

稷午子趙世家注

范皋夷

范氏之側室子趙世家注

荀躒言于晉侯

荀躒智文子趙世家注

韓魏以趙氏為請

以其罪輕于荀范也趙世家注

衛侯為夫人南子召宋朝會于洮十四年

衛侯為夫人南子召宋朝故與宋公會于洮本疏攷證曰疏云服虔以會于洮上屬為義

春秋傳服氏注十二

鄭氏佚書十五之十二

鄧袁鈞學

哀公左氏傳解詁第十二

使疆于江汝之間而還

元年

蔡使楚進疆于故江國與汝水之間

本疏

以行成

行成求成也

史記吳世家注

滅夏后相

夏后相啟之孫

吳世家注

生少康焉

鄭氏佚書

春秋傳服氏注十二

后緡遺腹子吳世家注

以收夏眾撫其官職

因此基業稍收取夏遺民餘眾撫修夏之故官憲典

吳世家注

祀夏配天

以鯀配天也吳世家注

越十年生聚

令少者無娶老婦老者無娶少婦女十七不嫁男二十不娶父母有罪也將生子以告與之鑿饋之餽也
死者釋其征必哭泣葬埋如其子也孺子遊者必餽

歡之也非手所種夫人所織不用十年不收于國本疏
在軍熟食者分而後敢食

以其半分軍士而後自食其餘若簞醪注流也本疏

伐邾將伐絞邾人變其土故賂以鄆沂之田而受盟二年

季孫尊卿敵服先歸使二子與盟本疏攷證曰經書

州仇仲孫何忌帥師伐邾取鄆東田及沂西田又書
癸巳叔孫州仇仲孫何忌及邾子盟于句繹故服引
經云然引經之文既脫爾

郢不足以辱社稷

郢自謂已無德不足立以汚辱社稷史記衛世家注

三揖在下

三揖卿大夫士土揖庶姓時揖異姓天揖同姓本疏

八人衰經偽自衛逆者

衰經爲若從衛來迎太子也史記衛太子世家注

志父無罪

趙鞅入于晉陽以叛諸侯之策書曰晉趙鞅以叛既

復更名志父本疏

鄉父卹

王良也本疏

及鐵之戰

趙鞅入晉陽以叛後得歸改名志父春秋仍舊猶書趙鞅帥師及鄭罕達戰于鐵釋文攷證曰釋文本無帥師以下九字公羊疏云服引經罕達之下無帥師字是釋文引文不具今補立于象魏之外

象魏闕也法令縣之朝謂其書爲象魏御覽居處部宮闕類

孔子在陳聞火曰其桓僖乎

桓僖當毀而魯事非禮之廟故孔子聞有火災知其

加桓僖也史記孔子世家注季氏出桓公又爲僖公所立故

不毀其廟俱在迭毀故不言及本疏

召正常

召而問兒死意本疏

襄梁及霍

四年

梁霍周南鄙也

水經汝水注

以昇楚師于三戶

三戶漳水津也

史記項羽本紀注

齊燕姬生子不成而死諸子鬻如之子荼嬖諸大夫恐

其為子也

五年攷證曰為子今本作為太子

燕姬齊景公嫡夫人昭七年燕人所歸不成未冠也

諸子諸公子鬻如景公妾也湑于人所納女荼安孺

子為子為太子也荼少故恐立之

御覽皇親部太子類

君之齒長矣未有太子若之何

言君長未有太子一旦不諱當若之何欲齊侯早立

長也

御覽皇親部太子類

二三子聞于憂虞則有疾疾亦姑謀樂何憂于無君

言二三子當國家閒暇無憂虞惟恐疾疾在其間今

無疾疾何為不自謀自樂何憂無君乎

御覽皇親部太子類

使國惠子高昭子立荼寘羣公子于萊

國惠子國景之子國夏也昭子高姬之子高張也寘

置萊齊東鄙邑欲使遠齊

御覽皇親部太子類攷證日史記齊世家注引萊齊

東鄙邑

鄭氏失書

春秋傳服氏注十二

四

萊人歌之曰景公死乎不與埋三軍之事乎不與謀師乎師乎何黨之乎

萊人見五公子遠遷鄙邑不得與景公葬埋之事及

圖三軍之謀故愍而歌師徒眾也黨所也言公子徒

眾何所適也史記齊世家注攷證曰又見御覽皇親部及圖之圖世家注譌國從御覽

晏圍六年

圍晏嬰之子齊世家注

潛師閉塗逆越女之子章

閉塗不通外使也越女昭王之妾史記楚世家注

楚子使問諸周太史

諸侯皆有太史主周所賜典籍故曰周太史一曰是

時往問周太史本疏

三代命祀祭不越望

謂所受王命祀其國中山川為望史記楚世家注

夏書曰惟彼陶唐帥彼天常有此冀方今失其行亂其

紀綱乃滅而亡

逸書夏桀之時本疏攷證曰疏云賈服孫杜皆不見古文以為逸書解為云云書堯典疏

云服虔杜預注左傳亂其紀綱並云夏桀時堯居冀州虞夏因之不遷居

不易民其陶唐虞夏之都大率相近不出河東之界

詩魏譜疏

知必危何故不言七年

諸大夫誠知伐邾必危何故不早言也本疏攷證曰杜解以知必

危二句上屬為諸大夫答孟孫魯德如邾以下始作孟孫語疏言服虔以上二句亦為孟孫之言

曹人或夢眾君子立于社宮

眾君子諸國君妾耳本疏社宮社也水經注

遇水適火九年

北南行適火下灋橫者為土立者為木斜向經者為

金背經者為火因北而細曲者為水本疏

吳子三日哭于軍門之外十年

諸侯相臨之禮史記吳世家注

侵及賴

賴齊邑史記齊世家注

其有顛越不共則剿殄無遺育十一年

顛殞也越墜也顛越無道則割絕無遺也史記吳世家注

屬其子于鮑氏

鮑氏齊大夫吳世家注

使賜之屬鏹以灰

屬鏹劍名賜使自刎吳世家注

孔文子

文子衛卿也史記孔子世家注

胡簋之事

夏曰胡

本疏攷證曰疏言賈服注皆云案論語疏云賈服杜等注左傳皆云夏曰瑚殷曰璫彼以鄭瑚璫之注連及之故不及簋其實注左傳當有周曰簋一句也

鳥則擇木木豈能擇鳥

易以喻己木以喻所之之國

史記孔子世家注

公會吳于橐皋

十二年

橐皋地名也

史記吳世家注

請尋盟

尋之言重也溫也

儀禮有司徹疏

亦可寒也

寒歆也亦可寒而歆之

有司徹疏

侯伯致禮地主歸餼

致賓禮于地主

本疏

自到七人于幕下

十三年

以絕口

史記吳世家注

西狩于大野叔孫氏之車子鉏商獲麟以為不祥以賜

虞人仲尼觀之曰麟也然後取之

十四年

麟中央土獸土為信信禮之子修其母致其子視明

禮修而麟至思睿信立而白虎擾言從義成而神龜

在沼聽聰知正而名川出龍貌恭性仁而鳳凰來儀

禮記禮運疏攷證曰詩麟趾疏引視明已下立下無而字而神龜而鳳凰之而並作則用作山性作體麟趾序釋文引視明句夫子以哀十一年自衛反魯而而作則下有麟字

作春秋約之以禮故有麟應而至春秋序疏攷證曰本疏云賈逵服虔

穎容等皆以為孔子自衛反魯攷正禮樂修春秋約以周禮三年文成致麟麟感而至取龍為水物故以為修母致言西者有意于西明夫子有立言立言之子之應

位在西方故著于西也本疏大野藪名魯田圃之常處

蓋今鉅野是也史記孔子世家注車車士微者也子姓鉅商

名本疏攷證曰孔子世家注引作車子微者也鉅商名也誤索隱引子姓二字麟非時所

常見故怪之以為不祥也仲尼名之曰麟然後魯人

乃取之也明麟為仲尼至也史記孔子世家注攷證曰本疏引仲尼句及明

麟

小邾射以句繹來奔

春秋終于獲麟故小邾射不在三叛中人也弟子欲

明夫子作春秋以顯其師故書小邾射以下至孔子

卒春秋序疏

子我夕

夕省事史記齊世家注

陳逆殺人逢之

子我將往夕省事于君而逢逆之殺人也齊世家注

陳氏方睦

陳常方欲謀有齊國故和其宗族

齊世家注

使疾而遺之潘沐

使陳逆詐病而遺也

齊世家注

子我盟諸陳于陳宗

子我見陳逆得生出而恐為陳氏所怨故與盟而請

和也陳宗宗長之家

齊世家注

我遠于陳氏矣且其違者不過數人

言我與陳氏宗疏遠也違者不從子我者

齊世家注

彼得君弗先必禍子子行舍于公宮

彼謂闕止也子謂陳常也止于公宮為陳氏作內間

也

齊世家注

成子兄弟四乘如公

成子兄弟八人二人共一乘故曰四乘

齊世家注

出逆之遂入閉門

成子兄弟見子我出遂突入反閉門子我不得復入

齊世家注

侍人禦之

闔閭以兵禦陳氏

齊世家注

子行殺侍人

舍于公宮故得殺之

齊世家注

鄭氏失書

春秋傳服氏注十二

公與婦人飲酒于檀臺

當陳氏入時飲酒于此臺

齊世家注

成子遷諸寢

欲徙公令居寢也

齊世家注

太史子餘

齊大夫

齊世家注

將出

出奔也

齊世家注

有如陳宗

陳宗先祖鬼神也

本疏

屬徒

會徒眾

史記齊世家注

攻闢與大門

宮中之門曰闢大門公門也

齊世家注

殺諸郭關

齊關名

齊世家注

成子將殺大陸子方

子方子我黨大夫東郭賈也

齊世家注

何以見魯衛之士

子方將欲奔魯衛也

齊世家注

將以尸入十五年

在牀曰尸在棺曰柩本疏

書社五百

書籍也史記孔子世家注

舍于孔氏之外圃昏二人蒙衣而乘


圃園二人謂良夫太子蒙衣為婦人之服以巾蒙其

頭而共乘也史記衛世家注

孔氏之老樂寧問之

家臣稱老問其姓名衛世家注攷證曰問上疑脫問之二字

遂入適伯姬氏



入孔氏家適伯姬所居衛世家注

孔伯姬杖戈而先

先至孔悝所衛世家注

遂劫以登臺

于衛臺上召衛羣臣衛世家注

使告季子

季路為孔氏邑宰故告之衛世家注

召護駕乘車攷證曰護今本作獲史記作護據注服本同史記

召護衛大夫駕乘車不駕兵車也言無距父之意也

衛世家注

行爵食炙

樂寧使召季路乃行爵食炙

衛世家注

奉衛侯輒來奔

召護奉衛侯

衛世家注

食焉不辟其難

言食惚之祿欲救惚之難此明其不死國也

衛世家注

公孫敢門焉曰無入爲也

公孫敢衛大夫言輒已出無爲復入

衛世家注

下石乞孟厲敵子路

二子蒯聵之臣敵當也

衛世家注

冠不免

不使冠在地下

衛世家注

稱一人非名也

十六年

天子自謂一人非諸侯所當名也

史記孔子世家注

爲白公

白邑名楚邑大夫皆稱公

史記楚世家注

請以戰備獻

欲陳士卒甲兵如與吳戰時所入獻捷

本疏

以如昭夫人之宮

昭王夫人惠王母越女也

史記楚世家注

國子實執齊柄 十七年

秉權柄也 史記蔡澤傳註

如魚窺尾衡流而方羊裔焉

賈逵云窺赤色魚勞則尾赤橫流方羊不能自安裔水邊言衛侯將若此魚鄭眾云魚勞則尾赤方羊遊

戲喻衛侯淫縱 本疏攷證曰窺赤至此魚杜注文疏云是賈逵之說又引鄭眾說云云案

詩汝墳疏引鄭氏云魚肥則尾赤以喻蒯瞶淫縱則鄭眾說是魚肥本疏字譌汝墳疏言服氏魚勞之解與賈同是賈鄭並解證文而服從賈其未當有折衷之語引者刪去爾

立公子起

起靈公子 史記衛世家注

駟諫吳子 二十年

駟數也 詩將仲子疏

是僇言也 二十四年

僇偽不信言也 釋文

餽臧石牛

牲生 儀禮聘禮疏攷證曰此注未全疑脫曰餽二字

衛侯出奔宋 二十五年

此下但有適城鉏以鉤越無奔宋之事 本疏

陳成子屬孤子 二十七年

屬會也孤子死事者之子也 御覽封建部死王事子孫封類

公游于陵阪

陵阪地名史記魯世家注

...

...

...

...

...

...

...

...

...

...

...

...

...

...

...

...

...

...

...

...

...

...

收